

三才廣志

閣

要語

說之閣門旁戶从門合聲爾雅虛閨謂之閣唐制天子曰御前朝見群臣曰常參朔望焉食閣有思慕之感不能臨前殿則御便殿謂之人閣前殿宣政殿便殿紫宸殿立仗於前殿喚仗則自東西閣入故曰入閣又公孫弘傳開東閣以延賢人師古曰閣者小門東向開之避當庭門而引賓客以別掾史官屬又門下省以黃塗門謂之黃閣又俗呼小舍皆曰閣

歷代閣名

漢東閣

公孫弘傳開東閣以延賢人注師古曰閣小門也東向開之避當門引賓客以別於掾史官屬

朱雲傳薛宣謂雲曰留我東閣可以觀四方奇士

永平初東平王蒼為驃騎將軍開東閣延英雄賢一云延

漢黃閣

續志太尉公有黃閣主簿錄省衆事

宋志三公黃閣前史無其義禮記士鞿與天子固公侯夫夫則異鄭元注云士賤與君同不嫌也夫朱門洞開當陽之正色也三公之與天子禮秩相亞故黃其閣以示謙漢舊制

也

張起與陳公等并黃
閣特存日月是也

通典陳三公之制開黃閣聽事置鴟吻一作
北齊三公府三門當中門黃閣設內屏黃閣
主簿掌閣下威儀

漢省閣

後傳東平王蒼詔讚勿名諸王入宮輒以輦
迎至省閣乃下揚賜拜太尉中平元年被
召會儀詣省閣切諫馮豹拜尚書郎奏事
未報帝俯伏省閣

晉金光閣

晉宮閣名洛陽宮有金光閣文成青陽朱明
承林安樂白藏顯仁崇明章德飛雲安世長
安閣長安有東明西華紫闥閣

後魏崔光乘步挽至東西上閣

北齊有西上閣東上閣

見通典

隋姚察授秘書丞敕於朱華閣長參

唐紫宸內閣

官志起居即掌錄天子起居法度天子御正殿即居在舍人居右有命俯退聽書之季終授史官正觀初以給事中諫議大夫知起居注伏下議政事起居即一人執筆記錄于前後置舍人分侍左右秉筆隨宰相入殿若仗在紫宸內閣則夾香案分立殿下有第二螭首和筆濡墨皆即坳處時豨螭頭高宗臨朝不決事許敬宗李義府為相奏請多畏人知命即舍人對仗承旨仗下與百官皆出不復

聞機政長壽中二年宰相姚璩建議仗下
後宰相一人錄軍國政要為時政記月送史
官然率推美遜善事失其實開元中五年
詔修史官非供奉者皆隨仗人位即舍人之
次李林甫用權又廢大和九年詔入閣曰即
舍人具紙筆立螭頭下復正觀故事
六典宣政之左曰東上閣右曰西上閣

唐室光閣

李適傳擢修文館學士睿宗時待詔宣光閣
列傳裴寂視朝引與同坐入閣則延卧內
宇文士及太宗延入閣語或至夜分姚崇
元宗詔五日一參入來賓

六朝閣

儲胥

顯仁

集雅

顯信

繼方

竹人

來遠

北齊

文林閣

冊臺新錄所載

金庭

紫微

古今事實

入閣

唐正觀制自今中書門下及三品以上
謀事入見曰通鑑
○大衆引利史
便

東閣

公孫弘作相開題詩以延賢史李善
今弘作相不見題詩以延賢史李善
朱

鹿竹

馬
元目得重窺撫言
薛宣謂朱

雲日

可留我
觀四方奇士

鈴閣

太守有之不侍
平衡不傳
十數人

太守

閣
後吳祐
為
一
昆有
事訟
日
皆
新

每○
錄後
止禮
麋半
技環
醉為
和宗
陽
群
日水
勿
使
元
入
史
後
海
察

客出後閣
史陳
白蓮
蓮技
母客
乃車
後轎
此
却
刺

驅婢開閣
使王
閣
一
一
十
數
人
乃
開

廣志卷之一千一百四十四

宮室類

府

要語

周禮治官府注百官所居曰府又曰府治藏府聚也

毛氏曰漢書武帝立樂府師古曰樂府之名始此案孝惠六年使樂府令備其蕭管是前此已有樂府之名矣

六書故庖或作方武切負財所入也入出曰

庖蓄藏曰藏車器曰庫周官大庖玉庖內庖皆

屬諸天官泉庖倉面屬諸地官故二官獨稱官

庖自漢呂秉三公皆稱庖而庖藏不在焉循習

之失也。人有二藏。六府藏主。藏府主。出內。

歷代府名

周百官府 盟府

見古官名

周策府 記府

穆天子傳：天子北征，還癸巳，至于群玉之山。四徽中，繩容氏所守，先王所謂策府。注：古帝王藏書策之府。

史：蒙恬傳：周公旦書而藏之。記府成，王觀於記府，得周公旦書。晉故府，人見周日正

周秘府

文選：七命。注：風俗通曰：秦周常以八月，

軒使採異代方言藏之。秘府。

漢兩府 四府 五府 三公府 司徒府

司空府 太尉府

列傳杜延年嘗與兩府及廷尉分章注如淳曰兩府

丞相御為御史大夫居官府不敢當舊位

坐卧背易其處 丙吉曰以三公之府有案

史之名吾竊陋焉公府不案史自吉始 翟

方進為丞相司直故事司隸校尉位在司直

下初除謁西府 趙充國為後將軍詔可護

羌校尉者四府舉辛陽充國奏不可後五府

復舉湯 薛宜為少府谷永上疏曰宣為左

馮翊衆職脩理辭訟者歷年不至丞相府考

績功課簡在兩府 段會宗竟寧中五府舉

為西域都護 王商以特進領城門兵得舉

吏如五府 申屠嘉坐府中為檄召鄧通詣

丞相府 張湯為甯掾以湯為無害言天府

調茂陵尉注師古曰天府丞相府也 趙禹

為丞相史周亞夫曰文深不可以居天府

張安世聞有詔令使吏之丞相府問劉德待

詔丞相府 康衡封樂安鄉臨淮上計簿更

定圖言丞相府 陳遵張竦並入公府 曹

參為丞相相舍後園近吏舍

高祖紀十一年二月詔其有意稱明德者遣

詣相國府書竹義年

後明帝紀永平三年起北宮及諸官府

後百官志太尉公司徒司空公各一人注

古今注曰永平十五年更作太尉司徒司空

府開陽城門內漢官儀曰明帝欲更太尉府
時公趙熹也西曹掾鄭均以為朝廷造北宮
整官寺早魁為虐民不堪命曾無商湯六事
周宣雲漢之辭今府本館陶公主第舍負職
既少自足相愛熹表陳之其冬臨辟雍歷二
府光觀壯麗而太尉獨卑陋云蔡質漢儀曰
司徒府與蒼龍闕對殿於尊者不敢踰府應
卻曰不然丞相舊位在長安時府有四出門
隨時聽事明帝欲依之迫於太尉司空但為
東西門耳荀綽晉官表注曰漢丞相府門無
蘭不設鈴不警鼓深大廣遠無節限也

後歷志熹平四年乙卯詔書下三府與儒林
明道者詳議以郡臣會司徒府議

後傳趙興建和初四府表薦注四府大尉司

徒司空大將軍府也 虞詡曰宜令四府九

卿各辟教人注四府謂大傳大尉司徒司空

之府也 卽顛曰今選舉牧守委任三府

王堂永初中三府舉堂治劇拜已卽守 种

暲羊續杜撫辟太尉府朱浮光武用明察不

復委任三府而權歸刺舉之吏浮上疏曰覆

案不闕三府 陳紀四府並命第謹與紀齊

德並行父子並著高名每宰府辟召常同時

旌命羔鴈成群 陳球辟公府 楊震曰三

府辟召宜有尚書勅 蔡邕封事臣自在宰

府謂曰宰府孝廉士之高選 左雄上疏

吏職滿歲宰府州郡乃得辟舉又言孝廉先

請公府副之端門 黃瓊五府俱辟 徐璆

辟公府 應奉四府舉才堪將帥 劉陶威

帝時或言改鑄大錢事下四府群僚陶議曰

云 應劭為車騎將軍掾中平二年北軍中

候鄭靖上言宜開募鮮卑事下四府劾駁之

盧植四府選才兼文武 韓韶辟司徒府

尚書選三府掾能理劇者以韶為羸長 韓

融五府並辟 鍾皓辟司徒府九辟公府

黃憲辟公府 徐穉屢辟公府 董扶宰府

十辟 范冉三府辟 雷義陳重三府同時

俱辟 寒朗詔三府為辟有由是辟司徒府

袁安永平十四年三府舉能理劇 賈琮

為京兆令中平元年特勅三府精選能吏有

司舉琮為交趾刺史 范滂為大尉所辟後

詔三府掾屬舉諛言滂奏云云 何顛辟司空

府每三府會議莫不推顛之長 鄭太三府

辟不就 李雲延熹二年露布上書移副三

府 劉淑五府連辟 延篤五府並辟 台

副董鈞辟司徒府 周澤辟大司馬府 趙

孝永平中辟太尉府 王琳辟司徒府 郝

絮等連名奏記三府薦海內高士 郭躬辟

公府

南蠻傳永和三年召公卿百官及四府掾屬

問方畧大將軍從事中郎李固駁曰宜更選

刺史四府悉從固議

周禮小宗伯注肆儀若今時肆司徒府也

朝士注今司徒府有天子以下大會殿
搞人注今司徒府中有百官朝會之殿
左傳注如今計獻詣公府卿寺疏自漢以來
三公所居謂之府九卿所居謂之寺風俗通
曰府聚也公卿牧守府道德之所聚也藏府
私府財貨之所聚也寺司也處有法度令官
所止皆曰寺

唐會元魏元同上表曰漢家云州郡積其功
能然後為五府所辟五府舉其掾屬而昇於
朝三公參得除授尚書奏之天子一人之身
所関者衆一賢之進其課也詳

晉紀咸康元年三月乙酉幸司徒府辨王

漢祕府 書府

苑文志諸子傳說皆充祕府

書序

孔安

悉上送官藏之書府

書正義職方在周禮出於山巖屋壁即藏於
府孔君為武帝博士於祕府而見焉

劉歆書曰古文舊書多者二十餘通藏於祕
府伏而未發

馬融頌發天府之官常

漢樂府

百官表少府屬官有樂府令丞

禮樂志武帝立樂府采詩夜誦有趙代秦楚
之謳內有掖庭才人外有上林樂府

紀宣帝本始四年正月詔樂府減樂人使就

農

王

言

言

宜

下

以

城

樂

府

也

元帝初元元年六月殲樂府負以振困乏

中少名信臣奏省樂府黃門倡優諸戲

哀帝即位二紀和六月罷樂府

李夫人傳上帝武作詩令樂府諸音家絃歌之

霍光傳昌邑王發樂府樂器

史記孝惠文景魚所增更於樂府習常隸舊

而已

張放傳樂府音監景武人監也樂府游微

文選古樂府注武帝立樂府采齊楚趙魏之

聲

兩都賦序外興樂府協律之事注聚樂之所

大事記元狩二年夏立樂府師古曰武帝始

置樂府之名蓋起於此然惠帝時已有樂府

令夏侯寬志見

後律志京房知六律雜試于樂府

五行志成周宣榭所以藏樂器

晉志翼二十二星主天之樂府

晉紀秦始元年十二月乙亥禁樂府靡麗石
戲之技

漢莫府

列傳李廣行無部曲行陳莫府省文書大將
軍令長史封書與廣之莫府長史急責廣之
莫府上簿注以軍幕為府右字通周軍旅無
常居故以帳幕言之廉頗李牧市租皆入幕
府 馮唐曰魏尚上功莫府 張安世為衛
將軍莫府長史遷辭去之官安世問以過失

趙充國中郎將

莫府司馬中亂屯兵

霍光為大將軍燕王言光擅調益莫府校尉

揚敬給事大將軍莫府為軍司馬 田延

年給事大將軍莫府遷為長史 文 酷 蔡義以

明經給事大將軍莫府 鄭告中西域而立

莫府 陳陽大將軍鳳奏以為從事中郎莫

府事壹決於陽 康衡元帝初陽興說車騎

將軍史高召衡置莫府與參事議 朱博為

郡功曹大將軍王鳳奏請陳咸為長史咸薦

育朱博除莫府屬 杜欽召詣大將軍莫府

張放為侍中中郎將監平樂屯兵置莫府

議比將軍 凡持兵皆 任幸

後傳吳漢至莫府上兵簿 李充為侍中鄧

騰曰幕府初開欲辟天下奇偉猶 莊固永
平初奏記驃騎將軍東平王蒼曰幕府新開
唐延群俊 竇憲以班固傳設置幕府典文
章 崔爰大將軍梁商初開幕府首辟之

漢御史府

朱博傳成帝時何武為九卿建言宜建三公
官於是以御史大夫何武為大司空是時御
史府吏舍百餘區井水皆竭又其府中列栢
木常有野鳥數千棲宿其上晨去暮來蹠曰
朝夕烏烏去不來者數月長老異之後二歲
餘朱博為大司空奏高帝置御史大夫位次
丞相典正法度以職相參總領百官上下相
監臨臣願盡力以御史大夫為百僚率從之

通典漢御史所居曰御史府亦曰御史大夫寺在大司馬門內無塾其門用梓板不腫色亦謂之憲臺後漢謂之御史臺蘭臺寺漢舊儀御史大夫寺在司馬門內門無塾門書用梓板不起郭邑題曰御史大夫寺

漢宗正府

宣帝紀

云云

漢記府

監鐵論結和第四十三大夫曰漢興以來修好結和親先帝廣將帥招奮擊以誅厥罪功勳粲然著於海內藏於記府

漢太常府

巨榮傳榮為太常年踰八十乘輿嘗幸太常

府令榮坐東面設几杖

後曆志於太常府覆校注記平議難問

晉秘府

隋志晉世祕府所存有古文尚書經文

唐書府 內府

褚亮傳圖贊十八學士歲之書府

魏證傳作類禮二十篇帝美其書錄寘內府

唐雲韶府

志武德後置內府坊于禁中武后如意元年

改曰雲韶府以中官為使

宋熙寧東西府

嘉祐中孫坦請為兩府治第以便詔名神宗

即位集賢學士高貺亦言之熙寧三年九月

二十六日癸丑作東西府于掖城之南凡八

位總千二百楹東府第一位一百五十六明

年秋八月東西府成命知制誥陳繹為之記

畧曰國朝襲李唐故大臣不及建第而儉居

古之公卿入則與謀於家今未明而入進見

請決於陛席之間退而百執事叩閣稟事吏

特書奏周走閭巷終日不得與二三大臣謀

乃出聖畫親翔二府度地于闕之西南輪廣

方制房皇鉤折繪圖以聞即和定于禁中自

熙寧二年秋七月興作云云出則寵之淑旂綏

章鈎膺之駕入則具之列鼎蒲筵粉純之居

仰而視其宮則有揅題之壘密俯而懾其衣

則有袞舄之嚴麗不如是不足以待其人非

其政不足以相天下之政九月二十六日丁未幸新作東西府亦為三司使薛向治公廡十月丁巳賜宴于王安石位始遷也元祐三年四月辛巳石僕射呂公著拜司空同平章軍國事一月三赴經筵二日一朝因至都臺議事於是建府於東府之南啓北扉以便宰職會議三省察院條列所當闕者目曰軍國事

以三公著父子也

三公著父子也

紹興二十六年正月九日建執政府三位二十六日建左右相第於都省北

宋元豐文昌府 唐尚書省圖

元豐五年官制初行七月新省成揭榜曰文

昌府繪一作六年十月庚子前為都省令廳

在中僕丞分左右六曹列於後東西向合三千一百間有奇

崇寧三年六月二十九日家安園上得唐都

省圖六曹在前遂遷舊七寺監更建後宰執

往往賜第會要安國言神宗得唐制尚書省

國修史政和四年四月五日周邦彥沐都賦其次則

有文昌之府分省為三列寺為九殊監為五

左選為文右選為武曰三十房二百餘案二

十四部熱隋之陋更唐之故合千司之離散

儼星羅於一字

宋崇寧大晟府

崇寧初議大樂四年八月二十七日賜名大

晟置府建官府在宣德門外天街之東隸禮

部以大司樂典樂為長貳次曰大樂令生簿
協律部工有樂正至舞師宣和七年十二月
罷

元各官府

諸司局入匠總管府領兩都金銀器金及符
牌等一十四局事至元十四年置二十四年
以八局改隸工部及金玉府止領五局一庫
掌禮毯等事其屬有六

茶迭兒局總管府管領諸色人匠徒作等事
憲宗朝置

隨路諸色民匠都總管府掌仁宗潛邸諸色
人匠延祐六年撥隸崇祥院後又屬將作院
至治三年歸隸工部

大都督府管領左右欽察兩衛龍翊侍御東
路蒙古軍元帥府東路蒙古軍萬戶府哈剌
魯萬戶府天曆二年始立欽察親軍都督府
哈剌魯萬戶府掌守禁門等處應直宿衛至
元二十四年招集哈剌魯軍人立萬戶府尋
移屯襄陽後征交趾大德二年置司南陽天
曆二年奏隸大都督府

太宗正府掌諸王附馬投下蒙古色目人等
應犯一切公事

內八府宰相掌諸王朝覲價价之事通有始
令則與蒙古翰林院官同譯寫而潤色之謂
之宰相云者其貴似待中其近似門下故特
寵之以是名雖局是名而無授受宣命品秩

則視二品焉大德九年以滅怯禿等八人為
之天曆元年為內八府宰之職

會福總管府至元十一年建大護國仁王寺
及昭應宮始置財同規運所十六年改規運
所為總管府至大元年改都總管府尋陞會
福院天曆元年改為會福總管府

崇祥總管府至大元始立大承華普慶寺
總管府二年改延禧監尋改崇祥監四年陞
為崇祥院泰定四年復改為大承華普慶寺
總管府天曆元年改為崇祥總管府

壽福總管府掌祭供錢糧之事至大四年因
建大聖壽萬安寺置萬安規運提點所延祐
二年陞都總管府尋陞為壽福院天曆元年

改立總管府

管領大都等路打捕鷹房膳粉人戶總管府
至元十四年打捕鷹房達魯花赤招集平濶
散逸人戶二十九年立總管府大德十一年
撥隸皇太后位下

管領本投下大都等路怯憐口民匠總管府
元初招集怯憐口哈赤民匠一千一百餘戶
中統元年立總管府掌戶口錢帛差撥等事
至元九年撥隸安西王位下皇慶元年又屬
公主皇后位下延祐元年改隸章慶司天曆
二年又改隸儲政院

管領諸路怯憐口民匠都總管府至元七年
招集祈居從良還俗僧道編籍人戶為怯憐

口立總管府以領之十四年以所隸戶口善
造作屬中宮十六年立織染雜造二局以司
造作立提領所以司徭役延祐六年改繕用
司七年復改府

管領諸路打捕鷹房納綿等戶總管府掌人
匠一萬三千有奇歲辦稅粮皮貨採捕野物
鷹鷄以供內府至元十二年賜東宮位下遂
以真定所立總管府移至大都隸磨事十六
年合併所管之戶置都總管以總治之三十
一年磨事院罷隸徽政至太四年隸崇祥院
延祐六年又隸磨事天曆元年隸儲慶使司
至順元年改屬宮相府

內史府至元二十九年封晉王于太祖四幹

耳朶之地改王傳為內史

供總管府掌守護東涼亭行宮及遊獵需之事

雲需總管府掌守護察罕腦兒行宮及行營供辦之事

宣慰使司都元帥府

宣慰使兼管軍萬戶府

諸路萬戶府上萬戶府管軍七千之上中萬戶府管軍五千之上下萬戶府管軍三千之上

海道運糧萬戶府至元二十年置掌每歲海道運糧供給大都

諸路總管府至元初置二十年定十萬戶之

上者為上路十萬戶之下者為下路當衝要者雖不及十萬戶亦為上路

國朝官府

宗人府掌王族

內府二十四監衙門通稱為內府

詹事府掌東宮事

五軍都督府掌天下各衛兵

廣志卷之一千一百四十五

宮室類

院

要語

說文院垣也本作寘从 寘聲或作院徐曰今言院即取名於周垣也

增韻有垣墻者院

歷代院名

北齊諸院

齊幼主高恒承武成之奢麗以為帝王當然乃更增益宮苑造偃武修文臺其嬪嬙諸院中起鏡殿寶殿璿瑁殿丹青彫刻妙極當時又於晉陽起十二院壯麗逾於鄴下所愛不

恒數毀而又後夜則以火照作寒則以湯為泥石工困窮無時休急

隋十六院

隋煬帝築西苑其內為海十餘里海北有龍鱗渠衍注海內緣渠十六院門皆臨渠每院以四品夫人主之乘輿遊幸競以珍瑳相高之

唐集賢殿書院

麗正殿書院

乾元院

光順門書院

御書院

著作院

乾元殿四部書

集賢注記

待制

賜宴

賦詩

開元十八學士圖

六典集賢殿書院開元十三年置

藝文志元宗命左散騎常侍昭文館學士馬

懷素為脩圖使與右散騎常侍崇文館學士

褚無量整比會幸東都住開元乃就乾元殿

東序卿武堂後時東都檢校又借民間異本傳

錄及還京師六年遷書東宮麗正殿置脩書

院於著作院一本五年幸東都六年遷京九

其後大明宮光順門外十一東都明福門外

十二皆創集賢書院學士通籍出入兩都各

聚書四部以甲乙丙丁為戊列經史子集四

庫其本有正有副軸帶帙籤皆異色以別之

開元九年冬幸東都時集賢院四庫書總命

高九千卷六年典云十二年駕幸東都安置京師集賢院開元十一年分置此院大

明宮光順門外院內東西八十步南北六十

九步院中有仰觀臺即一行師占候之所東

都集賢院福門外大街之西對武成宮東西
四十一步南北五十八步開元十年三月始
移書院於此西向開門

華清宮集賢院二十八年造在宮北橫街西
羽林仗院院內東西四十八步南北五十步
興慶宮集賢院二十四年駕在東都張九齡
遣魏光祿先入京造此院在和臺門橫街之
南隣中書省院東西二十三步南北三十步

已上見集賢
院并會要

百官志集賢殿書院學士直學士侍讀學士
修撰官掌刊緝經籍凡圖書遺逸賢才隱滯
則承旨以求之謀慮可施於時著述可行於
世者考其學術以聞凡承旨撰集文章校理

經籍月終則進課於內歲終則攷最於外按
曹四人正字二人注開元五年乾元殿駕四
部書置乾元院使有判正官四人押院中使
一人知書官八人分掌曰書六年乾元院
更號麗正學士

張說傳說為中書

年四月五日丙

辰說因昌封禪議受詔與諸儒草儀多所裁
正帝名說與禮官學士置酒集仙殿曰朕今
與賢士樂于此當遂為集賢殿乃下詔改麗
正書院為集賢殿書院授說學士知院事後
說罷中書令以右丞相在集賢院專脩國史
朝廷大述作多出其手帝好文辭有所為必
使視草多引天下之名士以佐佑王化粉飾

典章成一王法天子尊尚經術開館置學士
脩大宗之政皆說倡之尚典集賢圖書之任
始帝欲授說大學士辭曰學士本無大稱中
宗崇寵大臣乃有之臣不敢以為稱固辭乃
正後宴集賢院乃植傳云開元中罷正殿賜

蘇行相先舉者說以學士

故事官重者先飲說田吾聞儒以道相高不
以官閥為先後於是引觴同飲時伏其有體
中書舍人陸墜以學士或非其人而供擬太
厚無益國家議白罷之說聞曰古帝王功成
則有奢滿之失今陛下崇儒向道躬自講論
詳延豪俊則麗正乃天子禮樂之司詳注

正殿在東宮正殿崇教所貴細而所益者大

陸生之言蓋未達耶帝知遂薄堅

會要開元十三年四月五日

通鑑作四月
丙辰欠同

因

奏封禪儀注敕中書門下及禮官學士等賜
宴於集仙殿上曰與卿等賢才同宴於此宜
改集仙殿上曰集賢殿改麗正書院為集賢
院乃下詔曰仙者捕影之流朕所不取賢者
濟理之具當務其實院內五品已上為學士
六品已下為直學士中書令張說充學士知
院事散騎常侍徐堅為副禮部侍郎賀知章
中書舍人陸堅並為學士攷功負外郎趙冬
曦監察御史咸廩業左補闕常述李子釗陸
去恭呂向拾遺毋獎大學助教余欽四門博
士趙元默校書郎孫季良並直學士太學博

士侯行果四門博士敬會真右補闕馮朝隱
並侍講學士

集賢註記開元十三年三月因奏封禪儀注
教學士等賜宴集仙殿群臣賦詩上製詩序
時預坐者宰臣源乾曜侍中張說學士徐堅
至馮朝隱等時櫻桃新熟獨賜坐上飲以醪
釀清醕之酒蔗內出彩箋令群臣賦詩焉
舊紀開元十三年夏四月丁巳改集仙殿為
集賢殿麗正殿書院為集賢殿書院院內五
品已上為學士六品以下為直學士

十八學士張說知院徐堅為副賀知章陸堅
趙冬曦咸廩業常述季子釗陸去泰呂向母
照余欽趙元黯孫季良康子元侯行果敬會

真馮朝隱方類有東

翰林盛事開元中拜張說等十八人為學士

於東都上陽宮含象亭圖象寫御贊述文其第

五有馮朝隱

翰林志開元中張說等十七人寫真含象亭

御製贊張說至陳季

康子元傳帝嘗製贊賜說子元命工圖其象

陸堅傳圖形禁中親製贊

賀知章傳開元十三年兼集賢學士元宗自

為贊賜之他本用士傳

集賢注記張燕公等獻所賦詩上各賜贊以

褒美之教曰得所進詩甚有佳妙風雅之道

斯焉可觀並據才能略為贊述上自於五色

牋八分書之

院付
學士

張說德重和鼎功踰濟川詞林秀色翰苑
光鮮

徐堅校書天祿論經上庠英詞婉麗雄辯
抑揚

賀賜章禮樂之司文章之苑學擬藝博才
高思遠

趙冬曦白簡端嚴青史良直清詞雅韻博
文疆識

康子元才識清遠言談出祕四科文學六
書仁義

侯行果洪鍾佇叩明鑑不度理窮繫豕動
中威儀

常述職參山甫業纂元成六義述作四始
飛英

敬會具名乃會真迹惟契道拒衣講習臨
庭振藻

趙元默才比丘明學薰儒墨叙述嫩婉講
論道德

東方顓理地遊天祿門嗣滑稽三冬足用

六藝斯齊

李子釗干木流慶指樹貽方諷諫遺缺啓
發篇章

呂向校理族茂非熊才高明馬考理篇籍
抑揚風雅

毋照軒墀之任諫諍之職聞詩聞禮有才

有議

陸去春才光於晉價重於張州縣斯屈文翰尤長

咸廩業郁郁高文英才博識持我刑憲是稱諒直

余欽文章兩瞻才術兼美思在專經學通舊史

孫季良蓬山之秀芸閣之英雄詞卓傑雅思縱橫

十一年春於大明宮光順門外造麗正書院夏詔學士候行果等侍講周易莊老頰賜浦饌學士等燕欽為樂前後賦詩奏上凡數百省上海嘉賞院中既有宰臣侍謀屢承珍異

之賜燕公詩曰東壁圖書府西垣翰墨林
詩聞國政講易見天心前後令趙冬曦張九
齡咸廩業常述等為詩序學士等賦詩編成
卷軸以進尋敕善寫真人貌學士等欲畫象
書贊于含象亭屬車駕東行事竟不果上初
令常無忝殷季友殷敘分貌張說等燕公以
畫不精奏進同州僧法明獨貌諸學士等圖
成奏之上稱善今藏其本於書院

自馬懷素至常昆素知院學士及修書使前
後總十一人自盧僎至敬會真開元五年至
十三年三月麗正學士及侍講修理官前後
總四十人

其年四月改院在院皆自負知章
為李士承恩者十六人

至寶華開元十三年四月至天寶十四載集

賢院學士五學士三十三人自韋縉至高瞻
開元十三年四月起天寶十五載二月集賢
院脩撰校理持制及文學五等總五十九人
會要正元四年六月集賢院準六典有學士
五學士準集賢注記有校理待制番院入院
侍講刊校修撰修書及五院等今講五品已
上為學士六品以下為五學士最高者判院
事餘並為校理從元和二年七月集賢院奏
伏準六典集賢院置學士及校理修撰官累
聖崇儒不失此制至正元八年判院事官陳
京始奏停校理分祕書郎四員正字兩員為
集賢殿校理正字今請校書郎正字並却歸
祕書省當司請依舊置校理官庶循名實且

復開元故事從之

修撰

王仲丘 施敬本 趙冬曦 賀知章 孫季良 咸
廩業

校理

歸崇敬 鄭欽 說呂向 東方顥 蕭穎士 盧邁
徐浩 馮定石 洪張仲方 鄭誼

校勘

王嗣琳

校書郎

范傳正 丁公著 常處厚 崔邠

正字

柳宗元 記傳上見

開成元年四月集賢殿御書院請鑄印以御

書為文又云大中六年正月大學士馬植論

奏始著令三館學士不避行臺令安又入和

賢院奏造昭慶門內西端至

作賢院門南廊舍三十九間

藝文志職官類常述集賢注記三卷述自登

天寶十五載九月十年因起置院經始總集

及前後學士名代時丙中歲二月也

類集賢院壁記詩二卷雜藝術類殷毅常無

忝開元十八學士圖

列傳蔣又父將名為集賢學士張鑑以又為

集賢編鋪後為學士德宗正元十年問神策軍

本末又條據甚祥宰相曰集賢有又失翌日

判院事 李泌 集賢殿崇文館大學士脩

國史泌健言學士加大始中宗時及張說為

之固辭乃以學士知院事至崔圖復為大學士亦引泌為辭為止 帝綬為學士穆宗九

日宴群臣曲江綬請集賢學士 得別會

陽城求為吏隸集賢院竊院書讀之行卓張

果元宗邀至東都合集賢院有詔圖形集賢

院投方姜撫開元末召至東都合集賢院投方

儒學傳序集賢院部分經籍乾元殿博彙群

書至六萬卷

韓文祕書御府也天子猶以為外且遠不得

朝夕視始更聚書集賢殿別置校讐官曰學

士校理常以寵丞相為大學士其他學士皆

達官校理用文學者不計秩次集賢之書盛

積盡秘書所有不能處其半

唐學士院 翰林院 北門學士

官志學士之職以文字言語備顧問出入侍

從因得參議謀納諫諍其禮尤寵此齊有士

後周有蘇趾學而翰林院者持詔之所也士皆字書述

唐制乘輿所在必有文辭經學之士下至卜

醫伎術之流皆直於別院以備宴見而文書

詔令則中書舍人掌之自太宗時名儒學士

時時召以草制然猶未有名號乾封以後

號北門學士元宗初置翰林侍詔以張說陸

陸堅張九齡等為之掌四方表疏批荅應和

文章既又以中書務劇文書多壅滯乃選文

學之士號翰林供奉與集賢學士分掌制詔

書敕開元二十六年又改翰林供奉為學士

別置學士院專掌內命會要太常少卿張杓

居之而集賢所常凡拜免將相跡令征伐皆

於事罷息用白麻其後選用益重而禮遇益親至弔為

內相又以為天子私人凡充其職者無定負

自諸曹尚書下至校書郎皆得預選入院一

歲則選知制誥未知制誥者不作文書班次

各以其官內宴則居宰相之下一品之上憲

宗時又置學士承旨唐之學士弘文集賢分

隸中書門下省而翰林學士獨無所屬明皇

者六用人五擢宗並用若八俊憲宗初李吉甫

裴柏用至制禮臺門而相府官吏候於門外使李

元術至銀臺門而相府官吏候於門外使李會要翰林院者開元初置在銀臺門內麟德

殿西廂重廊之後又云駕在大內即明福門

由執李肇曰翰林院在火陽院南蓋天下以

藝能伎術見召之所處也學士院者開元二

十六年置在翰林院之南別戶東向自建院

後韓雄李白之徒並在舊翰林院中假其名

而無職至德以後軍國務繁其入直者並以

文詞共掌詔敕自此北翰林院始無學士之

名其後又置東翰林院於金鑾殿之西隨上

所在而選見故事舊史天子在大明宮則翰

林院在右銀臺門內在興慶宮則院在金明

門內若在西內則院在明福門內若東都華

清宮皆有待詔之所取其穩便大抵名入者

或一二人或三四人或五六人洪生碩學頗

列其中

李肇翰林志院在左右銀臺門之北入門直西為學士院其北馮翰林院漢制尚書郎主作文書起草更直建禮門內明光殿神仙殿與此同凡學士無定負皆兼他官充下自校書上至諸曹尚書皆得為之既入院學班行絕迹亦不拘本司不繫常參守官三周為滿歲則遷知制誥

德宗雅尚文學業與每幸學士院

帝為德宗幸

其院

業為李士

永旨

願問賜賚無所不至

御膳珍羞輟賜之名對浴堂門移於金鑾殿

續翰林志

德志德宗嘗移

對御起草賦詩習

李士院於金鑾殿

宗嘗移

對御起草賦詩習

射或旬日不出

士生以曆二年別置

東頭

李元植

承旨院記憲宗以永正元年即位培命鄭公

指為之位。在諸學士上。居在東第一閣。業與
奉郊廟得乘廢馬。自浴殿由內朝。以從揚雞
竿布大澤。則丹鳳之西南隅外。賓客進見於
麟德。則止在禁中。以俟。凡大誥令。大慶。置丞
相之密。盡內外之密。奏上所注意者。莫不專
對他人。無得而參。干七年間。由鄭全杜十一
人而九。參大政。賴繼居九丞相長慶元年八

月十日記

常處厚壁。記曰。正元中。由此居輔弼者十有
二元。和中。由此膺大用者十有六。

常執誼翰林院舊事。學士自建置以來。秩序
未立。處覲之際。各趨本列。洎興元元年。始有
別教令。朝服班序。與諸司官。知制誥例同。

帝表徵學士院新接記學士之登將相踐崇
顯者十有八九

續通與學士院除中書舍人不試餘皆試
麻制荅蕃書批荅詩賦號曰試五題

吳通元傳陸贄建言承平時工藝書畫之流
皆待詔翰林而無學士至德以來命集賢學
士人禁中草書詔待進止於翰林院因以名
官舊傳至德後名集賢學士于禁中草今四
書詔因在翰林院待進旨遂以爲名方無事制書宜歸書舍人

崔群傳憲宗詔學士凡奏議待群書乃得上
群恐遂為故事固辭

錢徽傳憲宗戒有貢獻毋入右銀臺門以避

學士昭居易詔由右銀臺門入右銀臺門以避

柳公權傳穆宗拜侍書學士文宗復召侍書
充翰林書詔學士遷承旨

顧少連傳少子師閔同上翰林院

金坡遺事開元始達比官汜于唐季名氏可
尋者二百一十人

文苑英華天寶初李白翰林待詔因為和蕃
書 上宣唐鴻猷一篇

李陽水李白集序曰天寶 金馬降輦步

迎如見駙浩以七寶狀賜食置千金鑿殿出
入翰林中潛草制誥人無知者

唐故事學士草制有所改

劉禹錫詩銀花垂院勝

晉天福五年九月廢學士院歸中書舍人開

運元年六月復置三年賜本院書詔金印
中興書日翰林內誌一卷集常執誼翰林故
事李肇志常處厚丁居晦社元穎璧記元稹
記常表徵學士新樓記為一書集者不知名
翰林舊規一卷光化中學士楊鉅雜載學士
名誌格及書詔之體宿直假寧之例翰林盛
事一卷唐張著撰記儒臣盛事凡三十有八
條

唐虞二典商盤周誥文文垂裕萬世炳若日
星誦其書考其事想見其人而聖君賢臣之
蹟雖相去千百歲後若接於耳目之際者其
書存也學士以翰墨之任

持案殿中出則扈蹕屬車間平

盡聞

天子憂憫元元勞心求治之意退而載於制書鼓動天下道人難喻之意而後誥命于二代之文惟學足以明古人之大體智足以達當世之要務篤實廉耻之操足以咨諏而不疑討論潤色之才足以付託而無負然後執筆視草發揮帝王之蘊藹然為治世之華藻播四海九州之遠垂名百世之久而無窮

唐大常四院

禮院

見下

仙韶院

百官志大常寺卿一人少卿二人掌禮樂郊廟社稷之事凡歲大享之器服有四院一曰天府院歲瑞應及伐國所得之寶禘祫則陳於廟庭二曰御衣院歲天子祭服三曰樂縣

院藏六樂之器四曰神厨院藏御廬及諸器
龍朔二年改太常曰奉常寺武后光宅元年
改太常寺曰司禮寺四院外既有禮院又有
仙韶院皆屬太常寺以
入署分理之一曰郊社二太廟三諸陵大樂
四大樂五鼓吹六大醫七太十八療
令有別院文宗開成三年改法曲所處院為
仙韶院

周禮天府掌祖廟之守藏與其禁令凡國之玉
鎮大寶器藏焉若有夫祭大喪則出而陳之
既事藏之

為之先者以傳其所寶為榮為其後者以守
其所傳為善

唐寢殿別院

高宗紀善令正觀二十年太宗於寢殿側為

別院使太子居之褚遂良諫以為朋友深交者易怨父子滯愛者多愆宜許太子間還東宮近師傳以廣懿德帝從其言十五年魏王本

魏澄諫正觀中晉王以文德后最小子不令出閣

唐獻納院

會要畫拱二年用魚保宗言置匱四共為一室以銅鑄之四面各依方色東曰延恩南曰招諫西曰申寃北曰通元出以辰前入以未後御史一人為理匱使其後同為一匱天寶九載改曰獻納院

唐政事院

會要開元元年十二月上召宰臣謂曰從工部侍郎有得中書侍郎者否對曰任賢用能

非臣等所及上曰蘇頌可除中書侍郎仍令
宰臣宜旨移入政事院便供政事食明日加
知制誥

唐百孫院 十王宅 崇仁禮院 禮會院

紀開元十三年三月甲午徙封慶忠棟崇工

封光儀棟永壽延盛濟王十三年王國封十

領節度
不出間

傳開元後皇子幼多居禁內既長詔附苑城

為大宮分院而處踰十王宅會要先天後皇

封後年漸延盛濟等十二王以十舉全數也中

儀穎永延盛濟等十二王以十舉全數也中

人押之就夾城參天子起居家令曰進膳引

詞學士入授書謂之侍讀專信義陳豐常涼

七王就封亦居十宅鄂光王廢死忠王立為
太子慶棟繼薨惟榮儀十四王居院而府幕
列於外坊歲時通名起居既又諸孫多則於
宅外更置百孫院天子歲幸幸滑宮又置十
王宅百孫院子宮側宮人每宅四百餘百孫
院亦三四十人禁中置維城庫以給諸王月
奉諸孫納妃嫁女就十王宅太子不居東宮
處乘輿所幸別院太子親王公主婚嫁並供
帳於崇仁之禮院此承平制云

通鑑綱目開元十五年夏五月作十王宅百

孫院

十王宅在
安國寺東

會要開元中置禮會院於崇仁禮院

院在崇
仁坊南街

開元十九年四月四日於京城置禮會院七

月二十四日詔屬司農寺什物令有司供建
中元年十一月十六日教禮儀使與博士及
宗正卿李琬漢中王瑀光祿卿李涇約古今
舊儀及開元禮詳定公主郡縣主出降覲見
之儀十一月二日禮儀使顏真卿等奏郡縣
主見舅姑請於禮會院過事明日早執筭盛
以棗栗服脩奠於舅姑席前赴光順門謝恩
駙馬加以璋郡主壻加以璧以代用馬

唐禮院

以見

舊史開元十九年四月壬午於京城置禮院
元和五年二月戊子禮院奏東宮殿閣名及
宮臣姓名與太子同名者改之

蔣又傳充太常禮院修撰

高銖傳博士李懿曰故事禮院不關白太常
故卿莅職博士不參集

會要正元九年四月置禮院脩撰檢討官各
一頁

唐禮賓院

會要天寶十三年三月二十七日敕禮賓院
令鴻臚寺檢校大曆二年三月祀宴止著使
于禮賓院元和九年六月祀置禮賓院於長
興里之北大中五年五月論恐熱入朝遣左
丞李景遜就禮賓院問所欲

韓愈傳上表曰宣政一見禮賓一設

紀周紀顯德二年十月癸酉幸禮賓院
舊紀憲宗元和四年四月甲申令皇太子居

少陽院

會要元和十五年十月發右神策千人於門下省東少陽院前築墻會昌元年三月敕造靈符應聖院

唐禮部南院 選院

唐尚書省前一坊別有禮部南院即貢院也長安志曰四方貢舉所會

省南有吏部選院亦曰南院選又看榜之所也

會要開元二十年八月以考功貢院地置吏部南院或謂之選院

蘇晉榜選院

唐御史三院

見官制

書目御史臺三院因話錄一卷咸通中御史
盧駢論訂三院稱謂官曹儀式百官坐次之
制大和中舒元興為臺屬所撰御史臺新造
中書南院記併載于此

唐諫院

舊紀大和九年十二月辛卯置諫院印諫院
舊無印有章疏各於本司請印人多知之至
是特敕置印兼詔諫臣論事有闕機密別以
狀列之

古者諫無官自公卿大夫至于工商無不得
諫漢始置官

唐通元院

官志肅宗乾元元年詔司天臺置通元院以

藝學召至京師居之

建韓穎等
議置

唐舍人院

常袞傳政事堂北門宰相過中書舍人院咨

訪政事

唐圖譜院

見玉牒

唐宣徽院

正元選樂工三十餘人號宣徽院長又供奉

元和八年四月乙未罷宣徽院樂人所假官

第

寶曆中以絺工籍宣徽院

宣宗時嚴季寔為北院副使

天祐二年樞密使及宣徽南院北院並停
嚴遵美曰樞密使無聽事惟三楹舍歲書而
己今堂狀帖黃決事此楊復恭奪宰相權之
失

唐待漏院

朱朝

憲宗元和中方置待漏院於朝門外令百官
朝以避風霜

舊史元和二年六月丁巳朔置百官初入待

漏院於建福門外候禁門啓入朝故事建福

望仙等門昏閉五更啓

建福門在大明宮丹
東望仙門在丹

鳳門與諸坊門同時至德中有吐蕃因自金

吾仗亡命因救晚開門宰相待漏于太僕寺

車坊至是始令有司各據班品置院於建福

門外

會要大和七年正月戶部侍郎庾敬休奏當
司未有待漏院今請於鹽鐵度支待漏院側
創造

宋朝設待漏院于丹鳳門之右示勤政也王
元之作記

紹興二年八月癸卯初置宰執已下待漏院
於行宮南門之外

會要長慶元年八月於中書南置僕射祗候
院大和四年三月初門下直省院西京兆尹
院東置三院御史祗候院

唐參酌院

刑法志穆宗謹用刑每有司斷大獄令中書

舍人一人參酌而輕重之號參酌院大理少
卿崔杞奏罷

唐南北供軍院

食貨志穆宗時出鎮兩鎮用兵置南北供軍
院行營軍十五萬饋運不能給長慶率三戶

奉一兵

開成初王彥威上供軍圖用兵
上黨以盧商為戶侍燕供軍使

吳武陵傳長慶初竇瑒直判度支表置和糴
貯備使擇郎中為之武陵諫曰西北邊院官
皆御史負郎為之何以增吏不納

會要元和十三年七月王遂為淄清行營供
軍使

唐清思院

薛平老傳竇曆中造清思院用銅鑿三千薄

金十萬餅

舊紀敬宗寶曆元年閏七月一作六月詔度支進

銅三十斤一作金薄鍊十萬脩清思院

新殿及升陽殿一作陽殿圖障

唐起草院

李德裕傳所居安邑里第有院日起草亭曰

精思計大事則處其中

宋朝樞密院

陳繹西府記唐初典兵禁中以機密名官開

元中設堂後五房而機密自為一司其職祇

獨宰相得知正元後以中官分領神策而樞

密之職歸北司然寄治省寺廡下延英會議

則屏立殿西中尉樞密使皆得帖黃除吏唐

末除北司并南北軍于樞密遂總天下之兵
會要唐以中官二人為使梁改為崇政院後
唐復為樞密使始有帶相印者晉天福四年
四月廢院開運元年六月復置周顯德末魏
仁浦吳廷祚為使宰相范質王溥參知院事
宋朝以樞密院與中書對峙文武二柄號為
二府建隆元年趙晉為副使三年十月晉檢
校少保充使不帶正官自晉始開寶九年二
月曹彬為使領忠武節帶節度自此始興國
四年正月癸巳石熙載為戶部尚書充使始用
之名六年九月熙載為戶部尚書充使始用
文資正官淳化二年九月張遜知院溫仲舒
同知院始有知院之名祥符五年王欽若陳

堯叟為使兼使相天禧四年曹常以僉書兼

藩鎮康定元年三月癸未詔中書別置廳于

樞密院之南與樞臣議邊事慶曆二年富弼

建議宰相兼樞密使七月戊午以宰臣呂夷

簡判院事章得象兼使議者以二府體均判

總之名太重九月丙午夷簡改兼使五年十

月庚辰以邊事寧罷宰臣兼使治平叁年四

月始以郭逵為同僉書院事建炎四年六月

甲戌宰相范 尹兼 紹興七年正月乙

酉張浚以右僕射兼使九月趙鼎以左僕射

兼使二十六年三月十三日一云五月詔以邊

事已定依祖宗故事不兼領三十二年十二月

五日丁卯孝宗復詔宰臣陳康伯兼使制云

祖仁宗之宏規遵建炎詔與
聖政肆會東

舊制置知院則副使改同知知院置使則副改
副使熙寧元年文彥博呂公弼為使韓絳卻
亢為副陳升之三至樞府上欲稍異其禮以
為知院使於是知院與使副並置元豐四年
改官制議者欲廢歸兵部上曰祖宗不以兵
柄歸有司故專命官統之於是不處上以樞
密職聯輔弼非出使之官十一月甲辰乃定
置知院同知院二人專以邊機兵政為職遷
官府中書省之西凡分房十曰北面河西
支差在京教閱廣西兵籍民兵吏房知雜凡
官四知院同知院都副承旨各一人紹興七
年正月二十三日詔依故事置使副

慶曆五年陳執中言有唐別命樞臣專主兵
務五代始令相輔亦帶使名至於國初尚沿
舊制乾德以後其職遂分

漢張安世令尚書事職與樞機

宋恭始中王景文為中書令兼管內

始也唐以宦官一人為樞密使出納帝命後
置二人梁開平元年五月改為崇政院後唐
同光元年十月復為樞密院始用郭崇韜分
中書兵房置院分秉朝政自此始崇韜以宰
臣兼使又置院使一人兼樞密宰相矣五代
多以武臣領使宰臣知院事宋朝文武兼用

宋朝學士院

兩朝志承旨不常置以院中久次者一人竟

學士六員掌大詔命凡大除拜晚漏上天子御內東門小殿遣內侍召學士賜對親諭祕旨對訖鎖院門夜漏盡進制遲明白麻出太平興國中呂文仲為翰林侍讀寓直御書院咸平二年七月丙午以楊徽之夏侯嶠為翰林侍讀學士邢昺侍講學士先是侍講名秩未崇真宗首置此職班次翰林學士設直廬於祕閣侍讀更直侍講長上院在宣徽院北侍講侍讀春秋二時開延義通英閣則執經史常日侍奉備顧問

晉天福五年九月詔廢翰林學士按唐六典歸其職於中書舍人

學士領外司自淳化二年閏二月賈黃中等

始故事學士六員至和元年九月王洙為第七員學士二員分真有大除拜過二制而上則併召二員謂之雙宣官志遵唐舊典不改者學士院而已

元豐三年八月丙申詔於尚書省樞密院用諮報國初久為學士官至八坐己罷職或再來直院神宗改官制後中丞并權六曹尚書若蕪內志亦正云直學士院中丞初唐又為龍圖學士猶曰權直院如正侍郎以下多帶蕪權汪藻等是也厥後陳克俊等初以給舍蕪權稍久乃落權字以為恩數至正尚書則帶蕪權學士胡交脩等是也乾道三年洪邁奏請自庶官遷侍從正蕪直院淳熙五年十

二月周必大自翰林遷禮書乃正兼學士六年十一月遷吏書升兼學士承旨隆興初用真宗故事輪講筵學士院官直宿禁林每夕兩負以講宣引卷訪後止命一負進宿學士院舊號北門今在行宮和寧門內蓋沿北門之制地迫皇城極窄隘院官二負分東西兩閣中曰摘文堂蓋在京徽宗因廣直廬御書賜承旨強淵明今乃汪藻所篆高宗常書王堂二字賜學士周麟之刻石廳上

舊學士院在樞密之院後玉堂本以待乘輿行幸非學士所得常居雅禮上之曰略坐其東故事雙日鎖院雙日降麻天聖元年詔雙日出宿五年中書言恐宣召不即至詔依祥

符五年故事常一員在院至和元年詔當宿
學士請告者令以次遞宿

翰林學士院印景德二年少府監鑄

蘇易簡翰林志今二京學士院並在樞密宜
徽院之北蓋表其深嚴宥密焉

沈括筆談學士院玉堂太宗常親幸唯學士
上日許正坐故事堂中設視草臺每草制則

具衣冠據臺而坐今不復然

唐有視
草序

錢惟演經坡遺事三卷序建隆庚申泊天聖
丙寅四十七人合唐五代三百一十五人

建隆五年承旨一人

淵學士三人

皆像王
李始

天子之書其別有四曰冊制詔敕起草進書
職在內史密命中出起唐比門

宋朝宣徽院

唐置南北院使國朝沿唐制以檢校官為之
或領節度及兩使番後闕則樞密副使一人
兼使二使亦有兼樞副簽樞者有兵騎倉帛
四案開寶四年七月戊午詔內侍養子宣徽
院置籍九年二月以山東道節度潘美充北
院使節度領宣徽自此始八月以樞副楚昭
輔權南院自後使闕多樞密使副兼之慶曆
八年三月李昭亮自殿前副都指揮使遷北
院使皇祐三年二年云九月著令毋過二員後
富弼以使判并州已有二員詔以邊任權增
熙寧三年郭逵王拱辰在院用弼例以歐陽
脩為南院院使脩辭四年詔位叅政樞副之下

九年五月拱辰請編脩條例六月命何洵直
為編脩官十年八月成條例并目二十五冊
元豐改制四年十一月二十一日癸卯罷院
而使猶存六年三月拱辰除安武節度使自
使不復除元祐三年十月戊戌二日復置南北
院視使簽檢拒詔聖三年四月辛酉罷

淳化中王延德等三人為詔宣使五年王繼
思平蜀寇中書議以為徽宣使上曰執政之
漸也朕不欲令宦官與政八月甲午以為宣
政使

祥符元年十二月甲辰置宣慶使以寵李神
福王延德事二祖御筆題昭宣使授之

宋朝天文院

見天文

補隋十六院